

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐ

0004, Երևան, Ծովակալ Իսակովի պող. 29

<tπ. (010) 778-122</p>

рhu 9/4-1456

<u>«-Д</u>» <u>/2</u> 2022 р.

<այ-Ռուսական համալսարանում գործող << ԲՈԿ-ի Իրավագիտության թիվ 063 մասնագիտական խորհրդի նախագահ, իրավաբանական գիտությունների դոկտոր, պրոֆեսոր Ս. Ս. Ավետիսյանին

Հարգելի՝ պարոն Ավեփիսյան

Ուղարկվում է Նելլի Դավիթի Հովսեփյանի՝ «Պետության և իրավունքի հիմնախնդիրները XIX դարի հայ մտածողների իրավաքաղաքական ուսմունքներում» թեմայով իրավաբանական գիտությունների թեկնածուի գիտական աստիճանի հայցման ատենախոսության վերաբերյալ առաջատար կազմակերպության կարծիքը։

Կից՝ կարծիքը՝ «4» թերթից (2 օրինակով) և ատենախոսությունը։

Հարգանքով՝

Պետ,

ոստիկանության գնդապետ

Կատարող՝ Ա. Սաֆարյան (093577589)

Մ. Մուրադյան

«ՀԱՍՏԱՏՈՒՄ ԵՄ» ՀՀ դստիկանության գրթահամալիրի պետ, դստիկանության գնդապետ Մ. Մուրադյան « ՉԳ» _______ 2022 թ.

ԿԱՐԾԻՔ

Առաջատար կազմակերպության՝ ՀՀ ոստիկանության կրթահամալիրի՝
Նելլի Դավիթի Հովսեփյանի՝ «Պետության և իրավունքի
հիմնախնդիրները XIX դարի հայ մտածողների իրավաքաղաքական
ուսմունքներում» թեմայով ԺԲ.00.01 «Պետության և իրավունքի տեսություն և
պատմություն, պետական և իրավական ուսմունքների պատմություն»
մասնագիտությամբ իրավաբանական գիտությունների թեկնածուի գիտական
աստիճանի հայցման ատենախոսության վերաբերյալ

ՀՀ ոստիկանության կրթահամալիրի ակադեմիայի պետության և իրավունքի տեսության և սահմանադրական իրավունքի ամբիոնը, մասնակցությամբ՝ իրավաբանական գիտությունների թեկնածու Ռ. Ռ. Մարանդյանի, իրավաբանական գիտությունների թեկնածու Հ. Ա. Ղազանչյանի, իրավաբանական գիտությունների թեկնածու Հ. Ա. Ղազանչյանի, իրավաբանական գիտությունների թեկնածու Գ. Մ. Խուդոյանի, Ա. Գ. Սաֆարյանի և Ա. Ս. Մարգարյանի, քննարկեց Նելլի Դավիթի Հովսեփյանի՝ «Պետության և իրավունքի հիմնախնդիրները XIX դարի հայ մտածողների իրավաքաղաքական ուսմունքներում» թեմայով ԺԲ.00.01 - «Պետության և իրավունքի տեսություն և պատմություն, պետական և իրավական ուսումունքների պատմություն» մասնագիտությամբ իրավաբանական գիտությունների թեկնածուի գիտական աստիճանի հայցման ատենախոսությունը և հանգեց հետևյալին:

Հետազոտության արդիականությունը պայմանավորված է ներկայումս հայ ժողովրդի առջև ծառացած Արցախի հարցի արդարացի կարգավորման և հայոց պետականության անվտանգության ապահովման խնդիրների լուծման ուղիների նախանշման, ազգային արժեհամակարգը անաղարտ պահելու և ժամանակին համահունչ զարգացնելու, ազգի հոգևոր կեցության ինքնաճանաչման, ինքնաբացահայտման և ինքնահաստատման անհրաժեշտությամբ։ Բացի այդ, XIX դարում հասարակական-քաղաքական գործընթացներում առանցքային է դառնում մարդը, ամրապնդվում և հիմնավորվում է մարդու իրավունքների ընդլայնման

գիտակցումը։ Ընդ որում, ինքնավար կեցությունը և բանականությունը հայտարարվում են բարձրագույն արժեքներ։ Կարևորելով հայ քաղաքական և իրավական մտքի պատմության էջերի բազմակողմանի և անաչառ ուսումնասիրությունը, հեղինակը սույն աշխատանքի շրջանակներում փորձել է իրականացնել համալիր գիտագործնական հետազոտություն՝ ուղղված XIX դարում հայ իրավական մշակույթի համատեքստում հասարակական-քաղաքական և իրավական մտքի ձևավորման և զարգացման, «Ազգային Սահմանադրություն Հայոց» Հիմնական օրենքի ազդեցության, հայ աշխարհիկ պետականագիտության ձևավորման, իրավունքի տեսության հիմնախնդիրների վերհանմանը։

Թեկնածուական ատենախոսությունը բաղկացած է ներածությունից, տասնմեկ ենթագլուխ պարունակող չորս գլուխներից, ամփոփումից և օգտագործված գրականության ցանկից։ Աշխատանքի այսպիսի կառուցվածքը, ընդհանուր առմամբ, համահունչ է այն խնդիրներին ու նպատակներին, որոնք իր առջև դրել է հեղինակը։

Աշխատանքի ներածության մեջ հիմնավորվում է հետազոտության թեմայի արդիականությունը, ներկայացվում թեմայի գիտական հետազոտության վիճակը, նպատակն ու խնդիրները, գիտական նորույթը, ինչպես նաև՝ պաշտպանության ներկայացվող հիմնական դրույթները, հետազոտության մեթոդաբանական հիմունքները, աղբյուրագիտական և տեսական հենքը, գործնական-կիրառական նշանակությունը, արդյունքների փորձարկումը և աշխատանքի կառուցվածքը։

Ատենախոսության առաջին՝ «XIX դարում հայ իրավաքաղաքական մտքի ձևավորման պատմական նախադրյալները, առանձնահատկությունները և հիմնական հոսանքները» վերտառությամբ գլխում հեղինակը բացահայտել է Հայաստանի քաղաքական դրությունը տարածաշրջանում և հայ ժողովրդի հասարակական կարգն ու սոցիալ-տնտեսական և իրավական դրությունը, անդրադարձել է XIX դարի հայ հասարակական-քաղաքական և իրավական ուսմունքների հիմնական հոսանքների բովանդակային առանձնահատկություններին՝ ազգային ճակատագրի, պետականության վերականգնման և իրավունքի համատեքստում։

Աշխատանքի երկրորդ գլխում, որը կրում է «Հայ սահմանադրական և պատմաիրավական միտքը XIX դարում» խորագիրը, լուսաբանված են 1960թվականի Սահմանադրության իրավաբանական բովանդակությունը, ինչպես նաև արևմտահայերի ինքնավարության և համայնքի անդամների նվազագույն իրավունքները։ Միաժամանակ, հեղինակը իրականացրել է քննարկվող հիմնախնդրի վերլուծություն՝ անդրադառնալով Վահան Բաստամյանցի իրավական ուսմունքի բովանդակության էական կողմերին և հայ իրավունքի ու իրավական մտքի հետազոտությանը՝ որպես ինքնուրույն գիտակարգ։

«Հայ աշխարհիկ պետականագիտության ձևավորումը և հայ մտածողների հայեցակարգային մոտեցումները պետության էության և բովանդակության վերաբերյալ» խորագրով երրորդ գլխում հեղինակը ներկայացրել է հայ մտածողների դիրքորոշումները ապագա հայոց պետականության կառավարման ձևի, պետական իշխանության կենտրոնացման և ապակենտրոնացման հարցերի վերաբերյալ, նաև քննարկել է կառավարման ընդունելի ձևերը՝ իշխանության միասնականության բովանդակային դրսևորմամբ։

Աշխատանքի չորրորդ գլխում, որը կրում է «XIX դարի հայ մտածողների իրավական հայագրներն իրավունքի տեսության իիմնական hարգերի հասարակության հրատապ իրավական հիմնախնդիրների վերաբերյայ» խորագիրը, հեղինակը լուսաբանել է քաղաքական անկախության բացակալության պայմաններում իրավագիտակցության ձևավորման և ցարգացման անհրաժեշտության հիմնավորման, բնական և պոցիտիվ իրավուն<u>ք</u>ների էության ու բովանդակության, միջազգային իրավունքի էության, համակարգի, աղբյուրների, հիմնական ինստիտուտների վերաբերյալ հայ մտածողների առաջադեմ հայացքները և hայեցակարգալին մոտեցումները:

Ատենախոսության եզրափակիչ մասում շարադրված են հետազոտության կատարման արդյունքում հեղինակի կողմից արված եզրահանգումները։

Գիտական հետազոտության վերաբերյալ ընդհանուր դրական կարծիքի հետ մեկտեղ հարկ ենք համարում ներկայացնել հետևյալ նկատառումները՝

- 1. Գիտական նորույթի տեսանկյունից վիճահարույց է պաշտպանության ներկայացվող առաջին դրույթը։ Վերջինիս շրջանակներում Հեղինակը ուշադրություն է հրավիրում XIX դարում հայ առաջադեմ մտածողների կողմից պետաիրավական հիմնախնդիրների վերաբերյալ տեսական ուսմունքների ստեղծման փաստին և դրանց հետագա ազդեցությանը։ Չթերագնահատելով ատենախոսի կողմից իրականացված հետազոտության արժեքը, այնուամենայնիվ, կարծում ենք, որ վերոհիշյալ մոտեցումը չի պարունակում գիտական նորույթի էական տարրեր։
- 2" Հստակության տեսանկյունից վիճահարույց է պաշտպանության ներկայացվող չորրորդ դրույթը։ Անհրաժեշտ է նշել, որ «Ազգային սահմանադրություն» կամ «Ազգային կանոնադրություն» եզրույթների տարբերակված ընկալման վերաբերյալ առաջարկող դրույթը, լրացուցիչ հիմնավորման կարիք ունի։ Այն պայմանավորված է ժամանակին համահունչ «սահմանադրություն» եզրույթի մեկնաբանման առանձնահատկություններով։
- 3. Թեև աշխատանքն աչքի է ընկնում գրագիտության ընդհանուր պատշաճ մակարդակով, այնուամենայնիվ, ատենախոսության մեջ նկատելի են պատմական աղբյուրների տեքստերի բազմաթիվ ուղղակի մեջբերումներ։ Վերջիններս, անշուշտ, ծառայում են հետազոտության խնդիրների լուծմանը, սակայն սահմանված ծավալի շրջանակներում հետազոտվող հիմնախնդիրների վերլուծական բաղադրիչի չափաբաժնի ավելացումը, մեր դիտարկմամբ, ավելի կբարձրացներ աշխատանքի գիտական արժեքը։

Ներկայացված նկատառումները կրում են մասնավոր բնույթ և չեն արժեզրկում ընդհանուր առմամբ հաջողված ատենախոսությունը, պայմանավորված են աշխատանքն առավել որակյալ տեսնելու ցանկությամբ։

Հետևություն. «Պետության և իրավունքի հիմնախնդիրները XIX դարի հայ մտածողների իրավաքաղաքական ուսմունքներում» վերտառությամբ թեկնածուական ատենախոսությունը գիտական նորույթ պարունակող, ինքնուրույն, ավարտուն գիտական աշխատանք է, որը համապատասխանում է Հայաստանի Հանրապետության կառավարության 1997 թ. օգոստոսի 8-ի թիվ 327 որոշմամբ հաստատված «Հայաստանի Հանրապետությունում գիտական աստիճանաշնորհման կանոնա-

կարգ»-ով նմանատիպ աշխատանքներին ներկայացվող պահանջներին, իսկ հեղինակը՝ Նելլի Դավիթի <ովսեփյանը, արժանի է իր կողմից հայցվող իրավաբանական գիտությունների թեկնածուի գիտական աստիճանին՝ ԺԲ.00.01-«Պետության և իրավունքի տեսություն և պատմություն, պետական և իրավական ուսումունքների պատմություն» մասնագիտությամբ։

Առաջատար կազմակերպության կարծիքը Նեյլի Դավիթի Հովսեփյանի՝ «Պետության և իրավունքի հիմնախնդիրները XIX դարի հայ մտածողների իրավաքաղաքական ուսմունքներում» խորագրով թեկնածուական ատենախոսության վերաբերյալ պատրաստվել է Հայաստանի Հանրապետության ոստիկանության կրթահամալիրի ակադեմիայի պետության իրավուն<u>ք</u>ի տեսության սահմանադրական իրավունքի ամբիոնի պետի պարտականությունների ժամանակավոր կատարող, ոստիկանության փոխգնդապետ Ա. Գ. Սաֆարյանի կողմից։

Քննարկվել և հավանության է արժանացել պետության և իրավունքի տեսության և սահմանադրական իրավունքի ամբիոնի 2022 թ. դեկտեմբերի 9-ի նիստում, արձանագրություն թիվ 6 :

Ամբիոնի պետի պարտականությունների ժամանակավոր

կատարող, ոստիկանության փոխգնդապետ

Ա. Գ. Սաֆարյան

Ա. Գ. Սաֆարյանի ստորագրությունը հաստատում եմ։

<< ոստիկանության կրթահամալիրի պետի 🥭 🥇 տեղակալ, ինքը և կադրերի և U<SU բաժնի պետ,

ոստիկանության գնդապետ

Գ. Գ. Մալխասյան